



Broj: 03-36-1207/23
Vogošća, 07.07.2023. godine

Na osnovu člana 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14 i 59/22) i čl. 71. i 125. Statuta Općine Vogošća ("Službene novine Kantona Sarajevo" broj: 27/14, 14/15 i 9/20), Općinski načelnik dana 07.07.2023. godine donio je

ODLUKU
O PONIŠTENJU OTVORENOG POSTUPKA NABAVKE USLUGE REVIZIJE GLAVNOG
PROJEKTA REKONSTRUKCIJE NOGOMETNOG TERENA SA VJEŠTAČKOM TRAVOM NA
STADIONU "HAKIJA MRŠO" VOGOŠĆA

Član 1.

Poništava se Otvoreni postupak nabavke usluge revizije Glavnog projekta rekonstrukcije nogometnog terena sa vještačkom travom na stadionu "Hakija Mršo" Vogošća broj: 03-36-1207/23, jer nijedna od primljenih ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14 i 59/22).

Član 2.

Odluka o poništenju postupka nabavke će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 12.06.2023. godine donio Odluku o pokretanju Otvorenog postupka nabavke usluge revizije Glavnog projekta rekonstrukcije nogometnog terena sa vještačkom travom na stadionu "Hakija Mršo", zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 12.06.2023. godine pod brojem: 1353-1-2-123-3-112/23.

Sažetak Obavještenja o nabavci objavljen je u "Službenom glasniku BiH" broj: 43/23 od 16.06.2023. godine.

Tendersku dokumentaciju sa Portala javnih nabavki BiH je preuzelo 13 (trinaest) ponuđača. Krajnji rok za dostavu ponuda bio je 05.07.2023. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 05.07.2023. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 03-36-1207/23 iz juna 2023. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 2 (dvije) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Smajić-inženjering" d.o.o. Goražde	380,00	5%	361,00	422,37
2	"Radis" d.o.o. Istočno Sarajevo	900,00	/	/	1.053,00

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Smajić-inženjering" d.o.o. Goražde ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod a) TD je zahtjevano da je ponuđač u posljednje 3 (tri) godine računajući od dana podnošenja ponude, kao pružalac usluga uspješno realizovao minimalno 1 (jedan) ugovor čiji je karakter i kompleksnost isti ili sličan onom koji se odnosi na predmetnu nabavku u ukupnom iznosu od 1.500,00 KM bez uračunatog PDV-a ili više pojedinačnih ugovora u ukupnom zbiru od 1.500,00 KM bez uračunatog PDV-a.

Tačkom 7.4.2. pod a) kao dokazi su propisani spisak izvršenih ugovora u ukupnom iznosu od 1.500,00 KM bez uračunatog PDV-a u posljednje 3 (tri) godine računajući od dana podnošenja ponude-referenc lista, koju sačinjava ponuđač na svom memorandumu sa potvrđama o izvršenim ugovorima od druge ugovorne strane (Naručioca) u skladu sa članom 48. stav 2. Zakona.

Ponuđač "Smajić-inženjering" d.o.o. Goražde je u svojoj ponudi (strana 14. Ponude) dostavio Potvrdu o uredno izvršenom ugovoru, izdatu od Općine Breza, za koju je Komisija za javne nabavke smatrala da ne odgovara postavljenim uslovima iz TD.

Naime, Komisija za javne nabavke je mišljenja da predmet Ugovora broj: 02/1-15-04-1100/23 od 11.04.2023. godine koji je ponuđač "Smajić-inženjering" d.o.o. Goražde uspješno realizovao sa Općinom Breza nema karakter i kompleksnost koji je isti ili sličan onom koji se odnosi na predmetnu nabavku, obzirom da se u konkretnom slučaju predmet nabavke odnosi na reviziju Glavnog projekta rekonstrukcije nogometnog terena sa vještačkom travom na stadionu "Hakija Mršo" Vogošća.

Dakle, u dostavljenoj Potvrdi se radi o reviziji projektno-tehničke dokumentacije Glavnih projekata izgradnje cestovne infrastrukture, a što prema mišljenju Komisije za javne nabavke nije ni isti a ni sličan ugovor onom koji je zahtjevan tačkom 7.4.1. pod a) TD.

Ponuđač "Smajić-inženjering" d.o.o. Goražde je također u svojoj ponudi (strana 13. Ponude) dostavio Uvjerenje o kvalitetu izvršenog posla, izdato od Općine Ilidža, koje Komisija za javne nabavke cijeni kao formalno-pravno ispravno, međutim, iznos od 1.044,81 KM sa uračunatim PDV-om koji je dostavljen na Uvjerenju broj: 12-11-8838/22 od 23.12.2023. godine nije dovoljan, obzirom da je tačkom 7.4.1. pod a) zahtjevana uspješna realizacija minimalno 1 (jednog) ugovora u ukupnom iznosu od 1.500,00 KM bez uračunatog PDV-a ili više pojedinačnih ugovora u ukupnom zbiru od 1.500,00 KM bez uračunatog PDV-a.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14 i 59/22) predmetna ponuda je formalno-pravno neispravna i kao takva nije prihvatljiva za ugovorni organ.

Ponuda ponuđača "Radis" d.o.o. Istočno Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod a) TD je zahtjevano da je ponuđač u posljednje 3 (tri) godine računajući od dana podnošenja ponude, kao pružalac usluga uspješno realizovao minimalno 1 (jedan) ugovor čiji je karakter i kompleksnost isti ili sličan onom koji se odnosi na predmetnu nabavku u ukupnom iznosu od 1.500,00 KM bez uračunatog PDV-a ili više pojedinačnih ugovora u ukupnom zbiru od 1.500,00 KM bez uračunatog PDV-a.

Tačkom 7.4.2. pod a) kao dokazi su propisani spisak izvršenih ugovora u ukupnom iznosu od 1.500,00 KM bez uračunatog PDV-a u posljednje 3 (tri) godine računajući od dana podnošenja ponude-referenc lista, koju sačinjava ponuđač na svom memorandumu sa potvrdama o izvršenim ugovorima od druge ugovorne strane (Naručioca) u skladu sa članom 48. stav 2. Zakona.

Ponuđač "Radis" d.o.o. Istočno Sarajevo je u svojoj ponudi (strana 15-16 Ponude) dostavio Potvrdu o uredno izvršenom ugovoru, izdatu od "Vjetroelektrane Grebak" d.o.o. Nevesinje, kao i Potvrdu o uspješno izvršenom Ugovoru, izdatu od Općine Ilijaš, za koje je Komisija za javne nabavke smatrala da ne odgovaraju postavljenim uslovima iz TD.

Naime, Komisija za javne nabavke je mišljenja da predmet Ugovora usluge revizije tehničke dokumentacije Glavni projekat-pristupna cesta za vjetropark "Grebak" Nevesinje koji je ponuđač "Radis" d.o.o. Istočno Sarajevo uspješno realizovao sa "Vjetroelektranom Grebak" d.o.o. Nevesinje nema karakter i kompleksnost koji je isti ili sličan onom koji se odnosi na predmetnu nabavku, obzirom da se u konkretnom slučaju predmet nabavke odnosi na reviziju Glavnog projekta rekonstrukcije nogometnog terena sa vještačkom travom na stadionu "Hakija Mršo" Vogošća.

Dakle, u dostavljenoj Potvrdi se radi o reviziji tehničke dokumentacije Glavnog projekta-pristupne ceste, a što prema mišljenju Komisije za javne nabavke nije ni isti a ni sličan ugovor onom koji je zahtjevan tačkom 7.4.1. pod a) TD.

Također, Komisija za javne nabavke smatra da predmet Ugovora usluge revizije glavnih projekata puteva po ugovoru broj: 04/4-19-2817/21, revizija Glavnog projekta puta Gajević-Šabansko raskršće i revizija Glavnog projekta puta Čevljanovići-Lađevići-Stomorine koji je ponuđač "Radis" d.o.o. Istočno Sarajevo uspješno realizovao sa Općinom Ilijaš nema karakter i kompleksnost koji je isti ili sličan onom koji se odnosi na predmetnu nabavku, obzirom da se u konkretnom slučaju predmet nabavke odnosi na reviziju Glavnog projekta rekonstrukcije nogometnog terena sa vještačkom travom na stadionu "Hakija Mršo" Vogošća.

Dakle, u dostavljenoj Potvrdi se radi o reviziji Glavnih projekata puteva, a što prema mišljenju Komisije za javne nabavke nisu ni isti a ni slični ugovori onom koji je zahtjevan tačkom 7.4.1. pod a) TD.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14 i 59/22) predmetna ponuda je formalno-pravno neispravna i kao takva nije prihvatljiva za ugovorni organ.

Iz navedenih razloga, Komisija za javne nabavke je jednoglasno dala preporuku Općinskom načelniku da donese Odluku o poništenju otvorenog postupka nabavke usluge revizije Glavnog projekta rekonstrukcije nogometnog terena sa vještačkom travom na stadionu "Hakija Mršo" Vogošća, iz razloga jer nijedna od primljenih ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14 i 59/22).

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka nabavke izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

zu Kontrolisala: Melisa Kršo

Melisa Kršo



OPĆINSKI NAČELNIK

Migdad Hasanović

Migdad Hasanović

Dostavljeno:

1. "Smajić-inženjering" d.o.o. Goražde
2. "Radis" d.o.o. Istočno Sarajevo
3. Nadležnoj Službi
4. U dosije
5. a/a

smajcinzenjering.centrala@gmail.com
radis.doo@gmail.com